


# 冊府元龜

三百一之三



三	〇	一	五	四	漢書門
〇	二	六	五		
冊	架	函	號	類	

三	五	函	架	冊	類
五	三	四	五		
漢	書				


內閣文庫	
番號	漢 5345
冊數	300 ( 91 )
函號	365 6

加久





册府元龜



淺草天庫

淮南李嗣京參閱

西極文翔鳳訂正

豫章黃國琦較釋

外戚部 二

封拜

夫正位居體周官貴內治之教緩族展親良史稱外  
助之義三代已降后妃之家或藉長樂之親或因椒  
房之寵重侯累爵席寵連封或一門三主或同族五  
侯分食各城預開邦政車服之制名器之重寢或踰

册府元龜 外戚部

卷之三十一

一



馬西京呂王之勢東都梁竇之權不反三隅同歸一

貫俾上微不當之譏下免無功之誚惟明聖能焉

申伯周宣王元舅也為邑於謝因是故謝邑之人而為國也

紀侯者周桓王納后於紀紀季子爵故先襄為侯

漢呂公高帝元年以后石父賜號臨泗侯

呂澤以后兄封建成侯

呂釋之以后兄封建成侯

呂則以孝惠二年嗣建成侯

呂台嗣周呂侯澤以高祖九年更封為酈侯高后元

年為呂王

呂嘉以高后三年嗣台為王

呂通嘉弟高后六年封腫侯八年為燕王

呂屯匹履切通弟以高后八年封東平侯

呂產台弟以高后元年封汶侯六年為呂王七年為

梁王

呂種建成侯則弟以高后元年封奉呂宣國王七年

更封不其侯

呂祿種弟高后元年封漢陽侯八年為趙王

呂平以惠帝皇太后姊長姁子元年四月丙寅封扶

柳侯



呂勝以皇太后昆弟子七年封贊其侯

呂忿以皇太后昆弟子八年封呂成侯

呂營以皇太后昆弟子八年封祝茲侯

薄昭薄太后弟文帝舅也元年封軹侯

駟鈞以齊王舅封鄒侯

趙兼以淮南王舅封周陽侯

竇廣國以景帝皇太后弟封章武侯

竇彭祖以皇太后兄子封南皮侯

竇嬰以皇太后昆弟子以破吳楚封魏其侯

王信以景帝皇后兄封蓋侯

田蚡以武帝皇太后同母弟封武安侯

田勝以皇太后同母弟封周陽侯

衛青以武帝衛皇后弟封長平侯青三子在襁褓中

皆為列侯仇為宜春侯不疑為陰安侯登為發干侯

霍去病以衛皇后姊子亦以軍功為冠軍侯

李廣利武帝李夫人之兄夫人蚤卒帝以廣利為貳

師將軍延年為協力都尉

上官安以昭帝皇后父為驃騎將軍封桑樂侯

許廣漢以宣帝皇太子外祖父封昌成君霍氏誅許

后子立為皇太子乃封平恩侯



王無故以宣帝舅為關內侯封平昌侯

王武以帝舅為關內侯封昌樂侯

王奉光以皇后父為關內侯封印成侯

王舜以皇太后兄為侍中中郎將封安平侯

史高以悼皇考舅子侍中關內侯封樂陵侯

史曾以悼皇考舅為侍中中郎將關內侯封將陵侯

史玄以悼皇考舅子侍中中郎將關內侯封平臺侯

許舜以皇太子外祖父同產弟長樂衛尉封博望侯

許延壽以皇太子外祖父同產弟侍中關內侯封樂

成侯

王禁以元帝皇后父封陽平侯

王崇以成帝皇太后母弟散騎光祿大夫關內侯封

安成侯

王譚以皇太后弟關內侯封平阿侯

王商以皇太后弟關內侯封成都侯

王立以皇太后弟關內侯封紅陽侯

王根以皇太后弟關內侯封曲陽侯

王逢時以皇太后弟關內侯封高平侯

王莽以帝舅曼子封新都侯

王莽為射聲較尉久之叔父城都侯高上書願

分邑以封莽反長樂少府戴崇侍中金淡胡騎較尉箕闕上谷都尉陽並中郎疎湯皆當世名臣咸為莽





言帝由是賢莽永始元年封莽為新都侯國南陽新野之都鄉千五百戶

王音以皇太后從弟為大司馬車騎將軍錄尚書事  
音既以從舅越親用事小心親職詔曰車騎將軍音  
宿衛忠正勤勞國家前為御史大夫以外親宜典兵  
馬入為將軍不獲宰相之封朕甚慊焉其封音為安  
陽侯食邑與五侯等俱三千戶  
趙臨以媿好趙氏父封為陽城侯  
王欽以皇太后弟封新城侯  
淳于長以侍中衛尉封定陵侯  
馮參以中山王舅封宜鄉侯

丁明以哀帝舅封陽安侯

傅晏以皇后父封孔鄉侯

丁滿以帝舅封平周侯

傅喜以帝祖母皇太后從父弟大司馬封高武侯

傅商以皇太后從父弟封汝昌侯

鄭業以皇太后同母弟子封陽新侯

衛寶平帝之舅平帝為成帝後賜寶之弟玄爵關內侯

後漢樊宏光武之舅建武五年封長羅侯十三年封  
弟丹為射陽侯兄子尋互鄉侯族兄忠更父侯十五



年定封宏壽張侯宏卒子儵嗣又封宏少子茂為平望侯樊氏侯者凡五國

鄧晨娶光武姊元光武即位封晨房子侯帝又感悼元沒於亂兵追封晨長子汎為吳房侯以奉公主之

祀

郭况光武郭后之弟小心謹慎年始十六拜黃門侍

郎封綿蠻侯后廢為中山太后進封况大國為陽安

侯

陽安縣屬汝南郡故城今豫州郎山縣故道國城是也

后從兄竟以騎都尉

從征伐有功封為新鄴侯官至東海相

新鄴縣屬汝南郡故城今

在潁州汝陰縣西北鄴兵城是也鄴音七私切

竟弟正為發干侯

發干縣屬東鄴故城

在今博州堂邑縣西南

官至太中大夫后叔父梁早終無子其

壻南陽陳茂以恩澤封南蠻侯

蠻音力全切

竟子嵩孫駿

並坐楚王英事失國章帝建初中紹封嵩子勤伊亭

侯駿觀都侯

陰識光烈皇后之兄更始二年更始封識陰德侯建

武二年光武以后為貴人遣使迎貴人於新野并徵

識識隨貴人至以為騎都尉更封陰鄉侯十五年定

封原鹿侯

許昌楚王英舅子英明帝之弟帝為太子時英常獨

歸附太子太子特親愛之及即位數受賞賜特封昌



龍舒侯

秦彭同產女弟永平中入宮掖庭為貴人有寵彭以貴人兄隨四姓小侯擢為開陽城門侯

馬廖明德皇后兄也章帝即位欲封諸舅明德馬太后不聽建初四年天下豐稔方陞無事帝遂封三舅廖防光為列侯並辭讓願就關內侯太后聞之曰聖人設教各有其方知人情性莫能齊也吾少壯時但慕竹帛志不顧命今雖已老而復戒之在得故日夜惕厲思自降損居不求安食不念飽冀乘此道不負先帝所以化導兄弟共同斯志欲令瞑目之日無所

復恨何意老志復不從哉萬年之日長恨矣廖等不

得已受封爵而退位歸第

又云有司連據舊典奏封廖等累讓不得已建初四

年廖封順陽侯防封穎陽侯光封許侯俱以特進就事永光四年廖卒子遵嗣徙封程鄉侯無子國除元初三年鄧太后詔封廖孫度穎陽侯防後徙封翟鄉侯永初七年紹封光子明邵鄉侯

陰棠梁王暢舅陰貴人之族章帝建初二年封西陵侯

竇憲章帝建初二年女弟立為皇后拜憲為郎稍遷侍中虎賁中郎將弟篤黃門侍郎兄弟親幸並侍宮省和帝即位太后臨朝會南單于請兵北伐拜憲車騎將軍金印紫綬督兵出塞大破北單于詔使中郎





將卽五原拜憲大將軍封武陽侯邑二萬戶憲因辭封許之明年詔曰大將軍憲前歲出征克滅北狄朝加封賞固讓不受舅氏舊典並蒙爵土西漢故事帝舅皆封侯其封憲冠軍侯邑二萬戶篤郎侯景汝陽侯瓌夏陽侯各六千戶憲獨不受封

鄧騭女弟爲和帝貴人兄弟皆除郎中貴人立爲皇后騭三遷虎賁中郎將京惺弘閭皆黃門侍郎京卒於官延平元年拜騭車騎將軍儀同三司惺虎賁中郎將弘皆侍中安帝永初元年封騭上蔡侯惺葉侯弘西平侯閭西華侯食邑各萬戶侯騭以定策功增邑三

千戶騭等辭遂逃避使者問關詣闕陳乞太后不聽騭頰上疏至六乃許之弘以治歐陽尚書授帝禁中病卒詔鴻臚持節卽弘殯封子廣德爲西平侯後以帝師之重分西平之都鄉封廣德弟甫德爲都鄉侯四年又封京子黃門侍郎珍爲安陽侯五年惺閭相繼並卒遺言薄葬不受爵贈太后並從之乃封惺子廣宗爲葉侯閭子忠西爲華侯建光元年太后崩未及大歛帝復申前命封騭爲上蔡侯位特進後禹曾孫香子女爲桓帝后帝又詔封騭從弟故度遼將軍遵子萬世南鄉侯拜河南尹



閻暢爲侍中安帝元初元年帝選其女入掖庭二年立爲皇后三年暢以父后爲長水校尉封北春侯食邑四千戶暢卒子顯嗣及安帝親政事顯及弟景耀晏並爲鄉較典禁兵延光元年更封顯長社縣侯食邑三千五百戶顯景諸子年皆童齒並爲黃門侍郎梁竦有三男三女章帝納其二女皆爲貴人生和帝竇皇后養以爲子竇氏譖殺二貴人而竦死獄中家徙九真竇憲敗還竦妻子封子棠樂平侯弟雍乘氏侯翟單父侯邑各五千戶諸梁內外以親疎補卽謁者棠官至大鴻臚雍少府

宋楊女爲章帝貴人安帝之祖母安帝卽位封楊四子皆爲列侯食邑各五千戶宋氏爲鄉較侍中大夫謁者卽吏十餘人孝德后異母弟次及達生人諸子九人皆爲清河國卽中

梁商少以外戚拜郎中順帝永建元年襲父雍封乘氏侯三年順帝選商女及妹入掖庭遷侍中屯騎校尉陽嘉元年女立爲皇后妹爲貴人加商位持進更增國土二年封子冀爲襄邑侯商讓不受三年以商爲大將軍固稱疾不起使太嘗桓焉奉策就第卽拜乃起詣闕受命商薨子冀嗣及商葬拜冀太將軍弟



侍中不疑河南尹桓帝立建和元年益封冀一萬三千戶又封不疑弟蒙西平侯冀子喬襄邑侯各萬戶和平元年重增封冀萬戶并前所襲合三萬戶永興二年又封不疑子馬穎陰侯喬子桃誠父侯鄧香女桓帝永興中入掖庭爲采女明年封兄鄧演爲南頓侯位特進演薨子康嗣及后爲皇后乃追封贈香車騎將軍安陽侯更封康泚陽侯弟統襲母昆陽君宣封昆陽侯統從兄會襲安陽侯統弟秉涓陽侯宗族皆列郎將

竇武長女桓帝時選入掖庭桓帝以爲貴人拜武郎中其冬貴人立爲皇后遷越騎較尉封槐里侯後從武興太后定策立靈帝拜武大將軍靈帝立論定策功更封武爲聞喜侯子機涓陽拜侍中兄子紹鄜侯遷步兵較尉紹弟靖西鄉侯爲侍中監羽林左騎宋艷女靈帝建寧三年選入掖庭爲貴人明年立爲皇后父艷執金吾封不其鄉侯何進異母女弟靈帝時選入掖庭爲貴人有寵於帝拜進郎中再遷潁川太守光和二年貴人立爲皇后徵進入拜侍中將作大匠河南尹中平元年進以發張角別黨馬元義謀封慎侯弟河南尹苗以破滎陽



群賊功封濟陽侯

魏下秉武宣后弟初以功封都鄉侯黃初七年進封開陽侯邑千二百戶爲昭烈將軍秉卒蘭嗣蘭卒分秉爵封蘭弟琳烈侯蘭子隆女爲高貴鄉公右隆以后父爲光祿大夫位特進封睢陽鄉侯甄逸女文帝納之於鄴明帝太和元年二月以中山魏昌之安城鄉戶千追封逸謚曰敬侯適孫像襲爵爲射聲較尉青龍中薨改封魏昌縣謚曰貞侯子暢嗣又封暢弟溫韓豔爲列侯又封后從兄子毅及豫弟三人皆爲列侯嘉平中復封暢子二人爲列侯

郭表文德皇后蚤喪兄弟以從兄表繼父永後后立表爲奉車都尉明帝太和四年詔封表安陽亭侯又進爵良鄉侯增邑并前五百戶以表子詳爲騎都尉後明帝進表爵爲觀津侯增戶五百并前千戶遷詳爲駙馬都尉表卒詳嗣又分表爵封詳弟述爲列侯毛嘉女黃初中選入東宮明帝太和中立爲后父嘉拜騎都尉后弟曾郎中又進嘉奉車都尉曾騎都尉頃之封嘉博平鄉侯後又加嘉位特進曾散騎侍郎郭立兄女明元郭后明帝卽位拜爲夫人以立爲騎都尉從父芝爲虎賁中郎將齊王卽位尊爲皇太后



追封父滿西都定侯以立子建紹其爵封芝遷散騎

嘗侍長水較尉立宣德將軍皆封列侯建兄德出養

魏氏德及建俱為鎮護將軍皆封列侯並掌宿衛

又云諸郭之中芝最壯直先時自以功封侯

張緝為東莞太守齊王芳嘉平中女為皇后徵拜光

祿大夫位特進

蜀吳壹先主定益州聘壹妹章武元年立為皇后壹

官至車騎將軍封縣侯

吳吳景孫堅吳夫人兄嘗隨堅征伐有功拜騎都尉

孫策以為丹陽太守揚武將軍景卒官子奮授兵為

將封新亭侯

謝承大帝謝夫人弟夫人卒後十餘年拜五官郎中

稍遷至武陵太守

王廬九女為孫權夫人生孫和和子皓立封其三弟

皆列侯

王文雍大帝王夫人同母弟夫人生景帝景帝即位

王氏無後封文雍亭侯

譚紹大帝潘夫人姊婿孫亮即位以為騎都尉

全尚女為孫亮夫人為嗣以尚為城門較尉都亭侯

代滕喬為太嘗衛將軍進封永平侯錄尚書事時全





丹府元龜封拜 卷之三十一

氏侯者五人並典兵馬

何遂女為孫和姬和子皓立尊為皇太后封其弟洪

永平侯蔣漂陽侯植宣城侯洪子邈為武陵監軍

滕牧女為孫皓夫人皓即位封牧商密侯拜衛將軍

錄尚書事

晉羊琇景獻羊后之從父弟少與武帝甚深親狎帝

即位擢琇左衛將軍封甘露亭侯

王愷文明后弟少有才力歷位清顯雖無細行有在

公之稱以討楊駿勲封山都縣公邑千八百戶遷龍

驤將軍加散騎嘗侍

王虔字恭祖文明后弟以功幹見稱累遷衛尉封安

壽亭侯拜平東將軍假節監青州諸軍事徵為光祿

勲轉尚書卒

楊駿武悼楊后之父歷驍騎鎮軍二府司馬後以后

父超居重位自鎮軍將軍遷車騎將軍封臨晉侯識

者議之曰夫封建諸侯所以藩屏王室后妃所以供

粢盛弘內教后父始封而以臨晉為侯兆以亂矣駿

後惠帝永寧初詔曰舅氏失道宗族隕墜渭陽之思

孔懷感傷其以壽亭侯楊超為奉朝請騎都尉以慰

蓼莪之思焉





賈謐韓壽之子賈充養以爲嗣謐繼佐命之後又賈后專恣歷位散騎嘗侍後軍將軍充妻廣成君卒去職喪未終起爲秘書監掌國史尋轉侍中領秘書監如故謐侍從惠帝幸宣武觀較獵諷尚書於會中召謐受拜誠左右勿使人知於是衆疑其有異志賈模充之從子預誅楊駿封平陽鄉侯賈后旣預朝政欲委信親黨拜模散騎常侍二日擢爲侍中郭彰賈后之從兄賈充妻待彰若同生歷散騎嘗侍尚書衛將軍封冠軍侯羊玄之以惠皇后父初爲尚書郎以后父拜光祿大

夫特進爵爲公

虞豫子胤元敬后弟初拜散騎嘗侍遷步兵校尉建寧末追贈豫官以胤襲爵平山侯

庾亮明穆皇后之兄也明帝卽位以爲中書監及王敦舉兵加亮左衛將軍與諸將距錢鳳及沈充之走吳興也又假亮節都督東征諸軍事追充事平以功封永昌縣開國公

褚裒康獻皇后父豫章太守康帝立徵拜侍中遷尚書以后父求出累爲左將軍都督兗州徐州之琅琊軍事假節鎮金城康獻皇后臨朝有司以裒皇太后



父議加不臣之禮拜侍中衛將軍錄尚書事持節都督如故

王蘊孝武定后之父爲晉陵太守定后立以后父遷光祿大夫領五兵尚書本州大中正封建昌縣侯蘊固辭乃授都督京口諸軍事左將軍徐州刺史假節宋路興之文帝路淑媛之父孝武卽位尊淑媛爲皇太后大明四年太后弟子瓊之及弟休之茂之並居顯職廢帝景和中以休之爲黃門侍郎茂之左軍將軍並封開國侯邑千戶明帝廢幼主欲悅太后之心乃下令以休之爲黃門侍郎領步兵較尉茂之爲中

書侍郎是時明帝未卽位故稱令

王儷孝武文穆皇后之父文帝元嘉末爲散騎嘗侍右衛將軍孝武卽位以后父授光祿大夫領茂陽王師嘗侍如故

梁王錫份之孫以戚屬封永安侯

後魏賀訥道武帝之舅從道武平中原拜安遠將軍以元舅甚見尊重

賀盧者訥之弟也亦從道武平中原以功賜爵遼西侯

劉羅臣宣穆皇后之兄也從道武平中原以前後勳



賜爵永安公

姚黃眉明元昭哀皇后之弟也黃眉本後秦姚興之子及姚泓滅黃眉間來歸國明元厚禮待之賜爵隴西公

杜超密皇后之兄太武始光中思念舅氏以超爲陽平公神麀三年以超行征南大將軍太宰進爵爲王杜道生者超之長子也賜爵城陽侯後爲秦州刺史進爵河東公

杜鳳凰者道生之弟也襲父超爵加侍中特進杜遺者超之從弟也超薨復授遺侍中安南將軍相

州刺史入爲內都官進爵廣平王

杜元寶者遺之長子也位爲司空進爵京兆王

賀迷太武敬哀皇后之從父也皇后生景穆初后少孤父兄近親唯迷故蒙賜爵長卿子

問毘恭皇后之兄皇后生文成太安二年以毘爲平北將軍賜爵河東公弟紇爲寧北將軍零陵公其年並加侍中進爵爲王毘征東將軍評錄尚書事紇征西將軍中都大官自餘子弟賜爵爲王者二人公五人侯六人子三人同時受拜所以崇隆舅氏

問英者恭皇后前兄興安二年爲散騎嘗侍鎮軍大



將軍遼西公弟喜鎮軍大將軍帶方公太安初英爲侍中征東大將軍太宰進爵爲王喜左光祿大夫改封燕郡從兄泰爲安東將軍朝鮮侯

馮熙文明太后之兄熙祖北燕始熙生於長安主先入掖庭爲太武左昭儀妹爲文成皇帝后卽文明太后也使人訪知熙所在徵赴京師拜冠軍將軍賜爵肥如侯尋進爵昌黎王獻文卽位爲太傅累拜內都大官孝文卽位文明太后臨朝帝承旨以熙爲侍中太師中書監領秘書事後以例降封京兆郡公熙子誕與孝文同歲幼侍書學仍蒙親待拜征西大將軍

南平王侍中誕弟修侍中鎮北大將軍尚書東平公後罷庶姓王誕爲侍中都督中外諸軍中軍將軍特進改封長樂郡公誕拜官孝文立於庭暹受其拜旣訖還室脩降爲侯十六年以誕爲司徒帝旣愛誕拜除官日親爲制三讓表并啓將拜又爲其謝章尋加車騎大將軍太子太師誕長子穆初襲熙爵避皇子愉封改封扶風郡公修弟津與孝文廢后同產兄位黃門侍郎信都伯津同產弟風幼養於官文明太后特加愛念勅歲賜爵至北平王拜太子中庶子出入禁闈孝文親政後恩寵稍衰降爵爲侯



李峻字珍之梁國蒙縣人元皇后兄也父方叔宋文帝時爲濟陰太守文成遣間使喻之峻與五弟誕疑雅白水等前後歸京師拜峻鎮西將軍涇州刺史雅疑誕等皆封公後進峻爵爲王

李惠獻文思后之父也歷位散騎嘗侍征西大將軍秦益州刺史進爵爲王

李道念惠從弟鳳之弟孝文太和十二年將爵舅氏詔訪存者而惠諸從以再罹孥戮難於應命唯道念敢先詣闕乃申后妹及鳳兄弟子女之存者於是賜鳳子安祖浮陽侯興祖安喜侯道念貞定侯從弟寄

生高邑子皆加將軍後例降爵安祖等改侯爲伯並去軍號興祖累遷燕州刺史卒以兄安祖子侃歸爲後襲先封南郡王後以庶姓罷封改封博陵郡公高肇文昭皇太后之兄也文昭皇后生宣武詔封父颺嫡孫猛渤海公肇平原郡公肇弟顯澄城郡公三人同日受封始宣武未與舅氏相接特拜爵及賜衣幘引見肇顯于華林都亭皆甚惶懼舉動失儀數日之間富貴赫奕未幾肇爲尚書左僕射冀州大中正尚宣武姑高平公主遷尚書令

于勁字鍾葵宣武納其女爲后封太原郡公

于勁武畧以功



臣子又以功績位沃野鎮將賜爵宣昌子  
拜征虜將軍帝納其女爲后封大原郡公

胡國珍字世玉其女以選入掖庭生孝明卽靈太后也孝明帝踐祚以國珍爲光祿大夫靈太后臨朝加侍中封安定郡公尚書任城王澄奏安定公宜出入禁中叅諮大務詔令入决萬機尋進位中書監儀同三司侍中復加使持節都督雍州刺史驃騎大將軍開府靈太后以國珍年老不欲令其在外且欲示以方面之榮竟不得遷司徒公侍中如故就家拜焉李延晏僕射冲之長子孝莊卽位以元舅之尊超授侍中太保封濮陽郡王

北齊婁昭武明皇后之母弟也昭之次子定遠少歷顯職外戚中偏爲武城愛狎封臨淮郡王

婁叡昭之兄子無他器幹以外戚貴幸爲瀛州刺史孝昭皇建初封東海郡王武成太寧初進位司空

胡長仁武城皇后長兄以內戚歷位尚書封臨淮郡王左僕射尚書令及武成卽位預叅朝政封隴東郡王

胡君璧者長仁子也後主納長仁女爲后君璧襲爵隴東王君璧弟君璋及長仁弟長雍等前後七人並賜爵



楊騰文帝之舅也文帝即位為開府儀同三司

乙弗繪文帝皇后之兄帝即位為開府儀同三司侍

中監魏昌縣公又為吏部尚書

斛律光為左衛將軍先是武成納光第二女為太子

妃後主天統元年拜為皇后其年光轉大將軍

後周陳山提宣帝皇后之父也山提自大將軍為上

柱國封鄆國公

元晟元皇后之父也晟自開府為上柱國封翼國公

隋呂宋文帝之舅子襲爵齊郡公

獨孤隋字黎耶獻皇后之弟也高祖受禪拜上開府

右領軍衛將軍

蕭瑒煬帝蕭后之兄也以外戚擢為尚衣奉御

蕭瑒賜爵莒國公煬帝以皇后之故甚見親厚拜內

史令改封梁公

唐獨孤懷恩元貞皇后弟之子也懷恩幼時以獻皇

后之姪養於宮中後仕為鄆縣令高祖平京城授長

安令及受禪擢拜工部侍郎

竇德明太穆順聖皇后兄之孫也武德初拜考功郎

中從太宗擊王世充頗有戰功封顯武男

長孫敞太宗文德皇后之叔父也從平京城以功除



將作少監出爲杞州刺史貞觀初坐賊免尋拜宗正卿及致仕加金紫光祿大夫封平原郡公

長孫操敞之從父弟也貞觀中歷洛州刺史益揚二州都督府長史高宗永徽初加金紫光祿大夫賜爵樂壽男

武承嗣則天皇后兄子也初后父士護娶相里氏生元慶元爽則天立爲皇后以元慶爲宗正少卿元爽爲殿中少監中宗嗣聖元年以承嗣爲禮部尚書尋除太嘗卿同中書門下三品則天垂拱中轉春官尚書依舊知政事載初元年代蘇良嗣爲文昌左相同

鳳閣鸞臺三品兼知內史事天授元年於東都創置武氏七廟於是封承嗣爲魏王元慶子夏官尚書三思爲梁王后從父兄子納言攸寧爲建昌王太子通事舍人攸歸爲九江王司禮卿重規爲高平王左衛親府史郎將戴德爲潁州王右衛將軍攸暨爲千乘王司農卿懿宗爲河內王左千牛中郎將嗣宗爲臨川王左衛勳二府中郎將攸宜爲建安王尚乘直長攸望爲會稽王太子通事舍人攸緒爲安平王攸止爲嘗安王又封承嗣男延基爲南陽王延秀爲淮陽王三思男崇烈爲新安王后兄子承業男延暉爲嗣



陳王延祚為咸安王

韋溫中宗韋后之從父兄也神龍中累遷禮部尚書封魯國公弟滑左羽林大將軍封衛國公  
竇希城者睿宗竇后之族也玄宗先天二年九月戊寅以光祿幽國公希城將作少府希球衛尉少卿希瓘各食實封二百戶以舅氏特寵之也

吳湊章敬皇后之弟也肅宗上元中授湊襄城尉寶應二年始封拜外戚授皇后叔前宣城令吳令瑤為開府儀同三司太子家令封濮陽郡公郎將令瑜為開府儀同三司太子左諭德濟陽郡公皇后弟盛王

府錄事參軍淑為開府儀同三司鴻臚少卿左清道率同正澄為開府儀同三司太子賓客襄城尉湊為開府儀同三司太子詹事並封濮陽郡公

沈房者代宗沈后之族子也后無近屬唯房為近德宗命為金吾將軍主沈氏之祀

獨孤卓者貞懿皇后之叔也大曆初后寵遇無雙以恩澤官其宗屬卓自太嘗少卿為少府監及后兄良佐為太子中允

王果者德宗昭德皇后父揚州大都督遇之子也果為眉州司馬甥姪拜官者二十餘人



郭釗憲宗懿安皇后兄元和十五年三月釗以簡較  
戶部尚書兼司農卿遷爲刑部尚書兼司農卿及右  
金吾大將軍銓加簡較工部尚書

郭銛者穆宗之季舅也長慶二年十月以殿中監遷  
爲太子詹事充閑廐宮苑使

蕭洪以帝舅簡較太子賓客長慶二年十月遷太子  
洗馬

梁張歸霸者末帝德妃之父也歸霸子漢傑漢倫漢  
融皆以外戚之故咸居大任掌大權

後唐王萬榮者明宗淑妃之父也長興四年九月自

銀青光祿大夫簡較司空領韶州刺史又加檢校司  
徒使持節華州諸軍事華州刺史充鎮國軍節度使  
華商等州觀察處置等使

漢李洪建太后母弟也事高祖爲牙將高祖卽位累  
歷軍較遙領防禦使史弘肇等被誅以洪建爲權侍  
衛馬步軍都虞侯

張彥成潞州潞城人初隱帝娶其女特見親愛從平  
汴雒累加特進簡較太尉同州節度使隱帝卽位就  
加同平章事







册府元龜 委任

私靡由公授倚任太過尤悔亦多覆轍頽基前世甚矣

漢許廣漢孝宣許后之父宣帝即位封平恩侯位特

進與侍中金安上等徑出入省中

又云宣帝收霍氏諸領胡越騎羽林

及兩宮將屯兵悉以所親信許史子弟代之許即廣漢史謂史良姊兄史恭諸子

史丹父高宣帝親母史良姊之兄子封樂陵侯丹自

元帝為太子時以父任為中庶子侍十餘年元帝即

位為駙馬都尉侍中出嘗驂乘甚有寵帝以丹舊臣

皇考外屬親信之詔丹護太子家

後漢陰識光烈皇后前母兄也初為侍中封原鹿侯

及明帝立為皇太子識以守執金吾輔導東宮帝每

巡郡國識嘗留鎮守京師委以禁兵

馬嚴先徙北地明德皇后父授兄余之子仕都督郵

後歸安陵永平十五年明德皇后勅使移居維陽顯

宗召見嚴進對閑雅意甚異之有詔留仁壽闈與校

書郎杜撫班固等雜定建武注記嘗與宗室近親臨

邑侯劉復等論議政事甚見寵幸

吳吳奮大帝母吳夫人弟景子也景卒奮授兵為將

封新亭侯帝征荊州拜奮吳郡都督以鎮東方

晉羊琇景獻皇后之從父弟武帝踐祚累遷中護軍

册府元龜 外戚部

卷之三十一



加散騎常侍琇在職十三年典禁兵豫機密寵遇甚厚

南齊江祐姑爲景后少爲明帝所親愛如兄弟高宗輔政委以心腹鬱林隆昌元年自正員外郎補丹陽丞中書郎明帝爲驃騎鎮東府以祐爲諮議參軍後梁王操字子高宣帝母龔太后之外弟性敦厚有籌畧博涉經史在公恪勤初爲帝外兵參軍親任亞於蔡大寶

陳沈君高后主沈后父君理之弟有史能以家門外戚早居清顯宣帝大建元年東境大水百姓饑弊乃以君高爲貞戚將軍吳令

後魏王建廣寧人也祖姑平文后生昭成皇帝伯祖豐以帝舅貴重豐子支尚昭成女甚見親待建少尚公主道武登國初爲外朝大夫與和跋等十三人迭典庶事參與計謀

賀泥獻明皇后之從昆弟子也天賜末京師草草泥出舉烽於安陽北賀蘭部人往赴之明元卽位乃罷詔泥與渾等八人拾遺左右

閻莊恭皇后兄毘之子也孝文太和中初立三長以莊爲定戶籍大使甚有時譽



李侃晞思皇后之族子也爲博陵郡公侃晞爲莊帝所親幸拜散騎嘗侍嘗食典御帝之圖爾朱榮侃晞與魯安等持刀於禁內殺榮

宇文測性沉密少篤學爲司徒右長史尚宣武女陽平公主拜駙馬都尉及孝武疑齊神武詔測詣後周文帝密爲之備還封廣川縣伯

北齊尉景從神武起兵信都神武入維留景鎮鄴尋進爲公景妻嘗山君神武之姊也以勲戚每有軍事與庫狄干嘗被委重

鄭佇禮高祖嬖寵其姊也以親戚被昵擢帳內都督嘗執弓刀出入隨從

胡長粲武成皇后之從祖兄少而敏悟以外戚起家給事中遷黃門侍郎後主踐祚長粲被勅與黃門馮琮子出入禁中專典敷奏

後周尉遲綱字婆羅蜀國公迥之弟也少孤與兄迥依託舅氏太祖西討闕隴迥綱與母昌樂大長公主留於晉陽後方入關從太祖征伐嘗陪侍帷幄出入臥內

隋元孝矩初任周爲司憲大夫高祖重其門地娶其女爲房陵王妃及高祖爲丞相拜少冢宰進位柱國



時房陵王鎮維陽及高祖受禪立爲皇太子令孝矩代鎮旣而立其女爲皇太子妃親禮彌厚俄拜壽州總管賜孝矩璽書曰楊越氛祲侵軼邊鄙爭桑與役不識大猷以公志存遠畧今故鎮邊服懷柔以禮稱朕意焉

唐吳湊章敬皇后之弟也累轉左金吾衛大將軍湊小心謹慎智識周敏特承顧問偏見委信大曆中滑帥令狐彰汴帥田神功相次歿於理所時藩方兵驕乘戎帥喪亡人情多梗代宗令湊銜命撫慰必委曲說諭所欲爲之奏請皆得軍民和協帝重之

梁段凝開封人妹爲太祖美人故委心腹開平四年五月授懷州刺史遷鄭州刺史監大軍於河上後末帝罷王彥章兵權以授凝以衆五萬營於高陵津後唐孟知祥字保胤幼溫厚知書樂善武皇深器之以其弟克讓女妻之卽瓊華長公主莊宗同光三年九月大舉伐蜀以郭崇韜爲招討使奉辭之日崇韜奏曰臣以非才謬當戎事若西川平定之後陛下擇帥如信厚善謀事君有節則孟知祥有焉望以蜀帥授之冬蜀平十二月制以知祥簡較太傅同平章事成都尹克劍南西川節度副大使知節度事帝曰蜀



士奢華富盛不異吾官以卿戚里忠賢慎乃相付卿其勉之

輔政

在昔三代蓋有外戚之助班固所稱其事詳矣秦漢已降后妃之家或以才升或由親授以才則竇嬰將兵克殄於多難以親則新莽輔政終滋於逆節然則內主機密參決政治恭慎自居必有輔佐之益威福是作乃生顛覆之虞賢者謙以成名驕者侈而掇咎前史具載歷代明徵是知授以至公靡由私愛表其親遇之意敦以忠良之規則其可保乎始終守乎富

貴者也

漢田蚡景帝王皇后之同母弟武帝初即位蚡以舅

封為武安侯會丞相衛綰病免帝議置丞相太尉藉

福說蚡曰魏其侯貴久矣魏其侯實嬰也素天下士歸之今

將軍初興木如即帝以將軍為相必讓魏其魏其為

相將軍必為太尉太尉相尊等耳言其尊貴同一等也有讓賢

名蚡乃微言太后風帝風讀為諷於是廼以竇嬰為丞相

蚡為太尉

上官桀隴西上邽人孝昭皇后祖父也武帝疾病以

霍光為大將軍桀為左將軍皆受遺詔輔少主





許延壽孝宣皇后同產弟封樂成侯宣帝以延壽為大司馬車騎將軍輔政

史高孝宣父悼皇考之舅子封樂陵侯宣帝疾病拜高為大司馬車騎將軍領尚書事元帝襲尊號高輔政五年

王鳳孝元皇后昆弟孝成初即位以元舅侍中衛尉陽平侯為大司馬太將軍領尚書鳳輔政凡十一年王音孝元皇后從父弟弘子陽朔三年秋大司馬王鳳疾帝數自臨問親執其手涕泣曰將軍如有不可言平傷侯譚次將軍矣不可言其死也不斥言之譚鳳弟也鳳頓首泣

曰譚等雖臣至親行皆奢侈無以率導百姓不如御

史大夫音謹敕敕整也臣敢以死保之及鳳且死上疏

謝帝復固薦音自代音竟代鳳為大司馬驃騎將軍輔政八年

王商以孝元皇后弟封成都侯位特進代王音為大司馬衛將軍輔政四歲病乞骸骨帝閱之更以為大將軍

王根以孝元皇后弟封曲陽侯為光祿勳商薨紅陽侯立次當輔政有罪過帝廢立而用根為大司馬驃騎將軍輔政五歲



許嘉孝成皇后父自元帝時為大司馬車騎將軍輔政已八九年矣及成帝立復以元舅陽平侯王鳳為大司馬大將軍與嘉並輔政以為故事

傳嘉哀帝祖母定陶傅太后從父弟代師舟為大司馬輔政

後漢竇憲以章德皇后兄為侍中虎賁中郎將和帝

即位太后臨朝憲以侍中內幹機密

幹主也

出宣誥命

初章帝遺詔以憲弟篤為虎賁中郎將篤弟景瓌並

中嘗侍於是兄弟皆在親要之地

鄧騭以和熹皇后兄拜車騎將軍儀同三司始自騭也騭弟悝嘗為虎賁中郎將弘閹皆為侍中太后與


騭等定策立安帝騭兄弟嘗出入禁中騭後為大將軍以母新野君薨還第服闋詔喻騭還輔政固讓乃

止

閻顯以安思皇后昆弟封長社縣侯太后臨朝以顯為車騎將軍儀同三司

梁商以順烈皇后父為大將軍商自以戚屬居大位每存謙虛於是京師翕然稱為良輔順帝委重焉

梁冀商之子為河南尹商薨未及葬順帝乃拜冀為大將軍冲帝始在襁褓太后臨朝詔冀與大傅趙峻





太尉李固參錄尚書事

竇武以桓思皇后父爲城門較尉靈帝立拜武爲大將軍嘗居禁中

何進靈思皇后兄獻帝卽位尊后爲太后臨朝進與太傅袁隗輔政錄尚書事

吳滕胤尚大帝公主爲太嘗與諸恪等俱受遺詔輔政廢帝卽位加衛將軍

晉楊駿以武悼皇后父自鎮軍將軍遷車騎將軍武帝疾篤后乃奏帝以駿輔政帝領之遺詔曰昔伊望作佐勲垂不朽周霍拜命名冠往代侍中車騎將軍

行太子太保領前將軍楊駿經德履詰鑒識明遠毗翼二官忠肅茂著宜正位上臺擬跡阿衡其以駿爲太尉太子太傅假節都督中外諸軍事侍中錄尚書領前將軍如故惠帝卽位進駿爲太傅大都督假黃鉞錄朝政

褚裒以康獻皇后父除衛將軍領中書令裒以中書銓管不宜以姻戚居之固讓及太后臨朝有司以裒皇太后父議加不臣之禮拜侍中衛將軍錄尚書事裒以近戚懼獲議嫌上疏固請居蕃

後魏賀泥獻明皇后從弟之子也明元卽位拾遺左



右太武征赫連昌以功進爵爲瑯琊公軍國太議每參務焉

閻毗恭皇后兄文成太安中以毗爲征東將軍評尚書事所以隆崇舅氏

常英以文成保太后兄太安初爲侍中征東大將軍太宰三年領太師錄尚書事

胡長粲武成皇后從祖兄爲給事中黃門侍郎文成卽位與領軍婁定遠錄尚書趙彥深和士開高文遙領軍綦連猛高阿那肱僕射唐邕同知朝政時人號爲八貴於後定遠文遙並出唐邕專與外兵綦連猛

阿那肱別總武任長粲嘗在左右兼宣詔令從幸晉陽後主卽位富於春秋庶事皆歸委粲盡心毗奉甚得名譽又爲侍中

馮熙以文明太后兄拜冠軍將軍又尚恭宗女博陵長公主拜駙馬都尉獻文卽位爲太傅孝文初太后臨朝帝乃承旨以熙爲侍中太師中書監


高肇以文昭太后兄景明中錄尚書事又尚宣武姑高平公主遷尚書令肇出自夷土時望輕之及在位居要留心百揆孜孜無倦世咸謂之能高后旣立愈見寵信延昌初遷司徒



胡國珍孝明時以靈太后之父封安定郡公太后臨朝尚書令任城王澄奏安定公宜出入禁中叅預大務詔屈公入决萬機尋進位中書監儀同三司詔與太師高陽王雍太傅清河王懌太保廣平王懷入居門下同釐庶政

李延晏以孝莊元舅之尊起授侍中太保延晏以保犯祖諱抗表固辭改授太傅尋轉司徒公  
唐高士廉太宗文德皇后之舅貞觀初拜侍中十年同中書門下三品十二年拜尚書右僕射  
長孫無忌文德皇后兄也少與太宗友善義軍渡河

無忌至長春宮謁見自是嘗從太宗征討及太祖卽位拜尚書右僕射或有密表稱無忌權寵過盛太宗以表示無忌謂曰朕與卿君臣萬事無疑若各懷所聞而不言則君臣之意為不通矣因詔百寮謂之曰朕今有子皆幼無忌於朕實有大功今者委之猶如子也疏間親新聞舊謂之不順朕所不取也貞觀七年再拜司空固辭不許又因高士廉奏曰臣幸居外戚恐招聖主私親之誚敢以死請太宗曰朕之授官必擇才行若才不至縱朕至親亦不虛授襄邑王神符是也若才有所適雖怨讐而不棄魏徵等是也朕





若以無忌爲后之兄而私情愛之當多爲子女金帛何須輒以天官授之蓋是取其才且無忌聰明鑒悟且有武畧公等竝知所以委之臺鼎無忌又上表切讓太宗使謂之曰昔黃帝得力牧而爲五帝先夏禹得咎繇而爲三王祖齊桓得管仲而爲五伯長朕自在藩列與公遂得廓清宇內君臨天下以公功績才望允稱具瞻故授此官無宜辭讓爲禮也

楊師道尚桂陽公主拜駙馬都尉貞觀中爲太嘗卿魏徵旣辭樞近之職太宗乃擢授師道爲侍中叅預朝政親待甚隆嘗在左右

竇德玄太穆皇后之從孫也歷官以恭勤著稱高宗時爲右相

韋温以中宗韋庶人從父兄神龍中累遷禮部尚書景龍三年拜太子少保同中書門下三品

楊國忠以玄宗太真妃從祖兄累遷蜀郡都督府長史充劔南節度副大使知節度事代李林甫爲右相兼吏部尚書集賢殿太學士太清大微宮使

韋保衡尚懿宗女同昌公主咸通十年自起居郎爲翰林學士累遷兵部侍郎承旨不朞年以本官平章事



將兵

夫推轂受任握兵之要將帥之重邦家是賴乃有奮  
 自戚里委之帥律以親篤肺腑之懿以賢當幕府之  
 選莫不執金鼓之政總鵝鶴之旅處則總司戎重出  
 則恭行討伐固有削平逆壘揚威絕漠作鎮於外屏  
 翰王國者矣其或倚任非當恩賞踰制自致滿溢或  
 貽喪敗兩漢之世傾軫繼軌豈止太盛而不知抑損  
 固亦違道而自底滅亡者哉

漢呂澤呂釋之皆高后兄從高祖征伐為列將  
 澤二子台產高后臨朝特為將將南北軍

釋之子祿高后病困以為上將軍居北軍

竇嬰字王孫孝文皇后從兄子孝景即位為詹事因

病免三年吳楚反帝察宗室諸竇無如嬰賢

宗室帝之同姓

親也諸竇總謂帝外家也以吳楚之難故欲用内外之親為將也

召入見問讓謝稱

病不足任帝曰天下方有急王孫寧可以讓邪乃拜  
 嬰為大將軍賜金千斤嬰守滎陽監齊趙兵七國破  
 封為魏其侯

衛青孝武皇后之弟元光六年拜為車騎將軍擊匈

奴出上谷元朔元年復將三萬騎出鴈門明年復出

雲中西至高闕

山名一日塞名在朔方之北

遂至於隴西五年春



令青將三萬騎出高闕還至塞天子使使者持大將軍印即軍中拜青為大將軍就將皆以兵屬立號而歸明年出定襄斬首數千級而還青七出擊匈奴捕首虜五萬餘級霍去病衛皇后姊子再從大將軍為票姚校尉元狩三年春為驃騎將軍將萬騎出隴西有功其夏去病與合其侯敖俱出北地明年復出定襄數有功去病凡六

出擊匈奴斬虜首十一萬餘級

李廣利武帝李夫人之兄大初元年為貳師將軍發屬國六千騎及郡國惡少年數萬人以往期至貳師城取善馬故號貳師將軍軍還入馬千餘疋伐宛再

反再反猶今言兩回也征和三年復將七萬騎出五原擊匈奴

王鳳孝元皇后弟成帝即位以元舅為大司馬大將軍領尚書事鳳從弟音成帝時為御史大夫鳳薨以音為大司馬車騎將軍音薨鳳弟商為大司馬衛將軍商薨以弟根為大司馬票騎將軍

後漢竇固尚光武女涅陽公主明帝即位拜中郎將監羽林士永平十五年帝欲遵武帝故事擊匈奴通西域以固明習邊事拜為車都尉以騎都尉耿忠為副謁者僕射耿秉為駙馬都尉秦彭為副皆置從事並出屯涼州明年出酒泉塞至天山擊呼衍王斬首



千餘級時諸將唯固有功明年復出玉門擊西域在邊數年羗胡服其恩信

馬嚴明德皇后從父兄永平末為將軍長史將北軍

五校士羽禁兵二千人屯西河美稷

美稷縣名

衛護南軍

於聽置司馬從事收守謁敬同之將軍

竇憲章德皇后之兄和帝即位太后臨朝憲以侍中

內幹機密有罪懼誅

臣欽若等按後漢書憲遣客刺後都鄉侯暢也

自求擊

匈奴以贖死會南單于請兵北伐乃拜憲為車騎將

軍金印紫綬以執金吾耿秉為副發北軍五校黎陽

雍營緣邊十二郡騎士及羗胡兵出塞斬名王已下

萬三千級降者前後二十萬餘人詔使中郎將持節即

五原拜憲大將軍明年將兵出鎮涼州以侍中鄧疊

行征西將軍事為副至私渠海而還

鄧騭和熹皇后之兄延平元年拜車騎將軍永初元

年涼部畔羗搖蕩西川朝廷憂之於是詔騭將左右

羽林北軍五校士及諸部兵擊之遷大將軍

閻顯安思皇后之弟建光元年安帝始親政事顯及

弟景耀晏竝為卿校典禁兵及思皇后臨朝以顯為

車騎將軍

梁商順烈皇后之父陽嘉三年以商為大將軍固稱



疾不起四年使太嘗桓焉奉策就第卽拜商乃詣闕受命

商子冀爲河南尹商薨未及葬順帝乃拜冀爲大將軍

竇武桓思皇后之父靈帝卽位拜武爲大將軍

董重靈帝母孝仁皇后之兄子中平五年爲驃騎將軍領兵千餘人

何進靈思皇后之兄中平元年黃巾賊張角等起以進爲大將軍率左右羽林五營營士屯都亭修理器械以鎮京師五年靈帝講武於平樂觀下行陣三匝

而還詔使進悉領兵屯於觀下進弟苗中平四年爲河南尹滎陽賊數千人羣起攻燒羣縣殺中牟縣合詔使苗出擊之苗攻破羣賊平定而還詔遣使者迎於成臯拜苗爲車騎將軍

魏甄像文昭后父逸之孫明帝時爲散騎嘗侍青龍二年吳人寇楊州以像爲伏波將軍持節監諸將東征

晉羊琇景獻皇后從父弟武帝踐阼累遷中護軍在職十三年典禁兵寵遇甚厚

王虔文明皇后弟爲東平將軍假節監青州諸軍事



虔子士文爲右衛將軍南中郎將鎮許昌  
楊駿武悼皇后父武帝時自鎮軍將軍遷車騎將軍  
大康末假節都督中外諸軍事領前將軍置步兵三  
千人騎千人惠帝卽位進大都督假黃鉞  
虞胤元敬皇后弟太寧末自步兵校尉轉右將軍與  
南頓王宗俱爲明帝所昵竝典禁衛

庾亮明穆皇后之兄明帝時代王導爲中書監及王  
敦舉兵加亮左衛將軍與諸將距錢鳳及沈充之走  
吳興也又假亮節都督東征諸軍事成帝卽位蘇峻  
反復假亮節都征討諸軍事後鎮蕪湖頃之後將軍

郭默據湓口以叛亮表親征於是以本官加征討都  
督及石勒死有開復中原之謀乃率大衆十萬據石  
頭城爲諸軍聲援

亮弟惲爲左衛將軍以討蘇峻功封廣饒男後遷輔  
國將軍假節鎮蕪湖

惲弟冰爲吳國內史會蘇峻作逆以冰行奮武將軍  
距峻別率張健於吳中冰擊走之後爲車騎將軍及  
弟翼當伐石季龍於是本號除都督江荆寧益梁  
交廣七州豫州之四郡軍事領江州刺史假節鎮武  
昌以爲翼援冰弟翼代亮爲都督江州司雍梁益六



州諸軍事安西將軍荊州刺史假節鎮武昌康帝卽位翼率衆北伐有衆四萬詔加都督征討軍事褚裒康獻皇后父康帝時爲尚書以后父若求外出除逮威將軍江州刺史鎮平洲遷右將軍兖州刺史都督兖州徐州之琅邪諸軍事假節鎮金城穆帝時假節鎮京口及石季龍死裒上表請伐之卽日戒嚴直指泗口朝議以裒事任貴重不宜深入可先遣偏師裒重陳前所遣前鋒督護王頥之等徑造彭城示以威信後遣督護麋嶷進軍下邳賊卽奔潰嶷率所領據其城池今宜速發以成聲勢於是除征討大都

督徐兖青揚豫五州諸軍事裒率衆三萬徑進彭城河朔士庶歸降者以千計裒撫納之甚得其歡心王蘊孝武定皇后父定后立父封建昌縣侯固辭不拜乃授都督京口諸軍事左將軍假節鎮於京口徵拜尚書左僕射遷丹陽尹以姻戚不欲在內苦求外出復以爲都督浙江東五郡鎮軍將軍

宋徐達之尚高祖長女會稽公主爲振威將軍彭城沛二郡太守高祖諸子並幼以達之姻戚將大任之欲先令立功及討司馬休之使統軍爲前鋒配以精兵利器事尅當卽授荊州休之遣魯宗之子軌擊破



之於陣見害追贈中書侍郎

趙伯符孝穆皇后弟子也武帝時爲寧遠將軍總領  
義從以居宮城北每有火起及賊盜輒身貫甲冑助  
郡縣赴討帝甚嘉之後魏賀泥道武母獻明皇后從  
父弟悅之子從太武征赫連昌又蠕蠕爲別道將  
杜超密皇后之兄尚南安長公主神麋三年乃以超  
行征南大將軍鎮鄴

馮誕文明太后兄子尚孝文妹樂安長公主除侍中  
都督中外諸軍事中軍將軍

高肇文昭太后之兄延昌初爲司徒及大征蜀以肇

爲大將軍都督諸軍爲之節度與都督甄琛等一十  
餘人俱面辭宣武於東堂親奉規畧

北齊婁昭武明皇后之母弟爲中軍大都督從神武  
破爾朱兆於廣河兗州刺史樊子鵠反以昭爲東道  
大都督討之

昭子獻以軍功爲大司馬武成至河陽乃遣總偏師  
赴懸瓠

庫狄干尚神武妹樂陵長公主以親地見待自預勤  
王嘗總大衆威望之重爲諸侯最

韓軌妹爲神武所納生上黨王渙軌督中軍從破爾



朱兆於赤嶺後爲大司馬從文宣征蠕蠕  
斛律光後王皇后父爲大將軍天統末周將圍雒陽  
壅絕糧道武平元年正月詔光率步騎三萬討之其  
冬光又率步騎五萬於王壁築華谷龍門二城二年  
率衆築平隴衛壁統戎等鎮戍十有三所破周將韋  
孝寬於汾水之北俘斬千計又率步騎五萬出平陽  
道攻姚襄白亭城戍  
後周李暉尚太祖女義安公主從駕西巡率公卿子  
弟別爲一軍  
唐竇德明高祖太穆皇后兄之孫武德初拜考功郎

中從太宗擊王世充頗有戰功

武攸宜則天之姪萬歲通天元年九月爲右武威衛  
大將軍充清邊道行軍大總管以討契丹及軍發則  
天幸白馬寺餞之

武懿宗則天伯父士逸之孫爲左金吾衛大將軍萬  
歲通天中契丹賊帥孫萬榮寇河上命懿宗爲大總  
管討之

後唐劉延皓末帝皇后之弟清泰初自樞密使出爲  
鄴都留守

晉杜重威尚高祖妹宋國長公主天福初典禁軍二



册府元龜 立功

卷之三十一

年張從賓構亂處汜水高祖遣重威與侯益率衆破之遷侍衛親軍馬步軍副都指揮使及鎮州安重榮稱兵向闕命重威禦之開軍元年北面行營招討使立功外戚之助其來遠矣乃有居於母黨謂我舅者本乎肺腑之重旁及葭莩之餘其或志蘊精彊才推饒傑早登勇爵深暢武經在寵任以方深屬艱虞之斯在而能祇奉王命武遏亂畧協贊義舉克著英謀用集厥勲允膺懋賞予以播盛烈於盟府振休聲於軍志非夫忠而能力者其何以臻是哉

漢竇嬰孝文皇后從兄子爲詹事病免景帝三年吳楚反帝察宗室諸竇無如嬰賢乃拜大將軍守滎陽監齊趙兵以破吳楚功封魏其侯

衛青姊爲武帝后元光六年青爲車騎將軍擊匈奴出上谷青至籠城籠讀與斬首虜數百騎是後匈奴

仍侵犯邊元朔元年秋青復將三萬騎出鴈門斬首虜數千明年復出雲中西至高關高關山名一曰塞名在朔方之北

遂至於隴西捕首虜數千畜百餘萬走白羊樓煩王遂取河南爲朔方郡五年春令青將三萬騎出高關匈奴右賢王當青筭兵以爲漢兵不能至此飲酒醉



州府元龜 立功

漢兵夜至圍右賢王右賢王驚夜逃獨與其愛妾一人騎數百馳潰圍北去漢輕騎較尉郭成等追數百里弗得得右賢禪王千餘人衆男女萬五千餘人畜數十百萬於是引兵而還拜青大將軍明年春青出定襄斬首數千級而還月餘復出定襄斬首虜萬餘人青爲大將軍七出擊匈奴斬捕首虜五萬餘級一與單于戰收河南地置朔方郡封長平侯霍去病以衛后姊子年十八爲侍中再從大將軍大將軍受詔于壯士爲票姚校尉與輕勇騎八百直棄大將軍數百里赴利斬捕首虜過當去病捕虜二千二十八級得相國當戶斬單于大父

行藉若侯產捕季父羅姑比再冠軍乃封爲冠軍侯元符三年春爲驃騎將軍

將萬騎出隴西踰烏盭山討邀濮匈奴部落涉孤奴水歷

五王國轉戰六日過焉支山千有餘里合短兵鏖臯

蘭下殺折蘭王斬盧侯王折蘭匈奴中姓也全甲獲醜執渾

邪王子及相國都尉捷首虜八千九百六十級收休

屠祭天金人師率城什七其夏去病與諸將出北地

遂深入至祁連山得單于單桓酋涂王及相國都尉

以衆降下者二千五百人捷首虜三萬二百獲五王

王毋單于闕氏王子五十九人相國將軍當戶都尉

六十三人其後率師正匈奴西域王渾邪王捷首八

丹時元龜 外戚部 卷之三十一 二十二



十餘級降異國之王三十二元狩四年春大將軍青與去病各五萬騎青出定襄去病出代郡青出塞千餘里捕斬首虜萬餘級遂至寘顏山留一日而還去病出右北平二千餘里獲屯頭王韓王等三人將軍相國當戶都尉八十三人臨翰海執訊獲醜七萬有四百四十三級

李廣利女弟爲武帝夫人廣利爲貳師將軍發屬國騎及群國惡少年以往期至貳師城取善馬貳師至輪臺攻數日屠之西行至宛城兵到者三萬宛兵迎擊漢兵漢兵射敗之宛兵走入保其城圍其城攻之

四十餘日宛貴人謀曰王母寡匿善馬殺漢使今殺王而出善馬漢兵宜解卽不廼力戰而死未晚也宛貴人皆以爲然共殺王其外城壞虜宛貴人勇將煎靡宛大恐走入城中相與謀曰漢所爲攻宛以王母寡持其頭遣人使貳師約曰漢無攻我我盡其善馬恣其所取而給漢軍糧貳師許宛之約宛乃出其馬令漢自擇之漢軍取其善馬數十匹中馬以下牝牡三千餘匹而立宛貴人爲苑王罷而引歸貳師將軍之東諸所過小國闡苑破皆使其子弟從入貢獻見天子因爲質焉



後漢李通尚光武女弟寧平公主爲將軍建武六年  
夏領破姦將軍侯進捕虜將軍王霸等十營擊漢中  
賊公孫述遣兵赴救通等與戰於西城破之  
馬防明德皇后之弟章帝卽位稍遷城門較尉建初  
二年金城隴西保塞羗皆叛拜防行車騎將軍以長  
水較尉耿恭副北軍王較兵及諸郡積射士三萬人  
擊之防引兵與戰於索西破之羗豪布橋迫急將種  
人萬餘降詔徵防還拜車騎將軍

竇固尚光武女涅陽公主累遷中郎將安帝時以明  
習邊事爲奉車都尉以騎都尉耿忠爲副出屯涼州  
與忠率酒泉敦煌張披甲卒及盧水羗胡萬二千騎  
出酒泉至天山擊呼衍王斬首十餘級呼衍王走追  
至蒲類海留吏士屯伊吾盧城時駙馬都尉耿秉等  
絕漢六百餘里至三木樓山騎都尉來苗等至匈奴  
河水上虜皆奔走無所獲太僕祭彤度遼將軍吳棠  
等坐不至涿山免爲庶人諸將准固有功加位特進  
明年復出玉門擊西域固遂破白山降車師

竇憲女弟爲章帝后及和帝卽位太后臨朝時南單  
于諸兵北伐乃拜憲車騎將軍金印紫綬官屬依司

空

依准也長史一人千石掾屬二十九人合史及御屬二十二

人以執金吾耿秉爲



副發北軍五校

漢有南北軍中侯一人六百石掌臨五營見續漢志

黎陽雍營

緣邊十二郡騎士

光武中興以幽冀并州兵騎克定天下故於黎陽五營以謁者監之

又曰扶風都尉部雍縣以涼州近羌數犯三輔將兵衛護國陵故續稱雍營

及羌胡兵出

塞明年憲與乘各將四千騎及南匈奴左谷蠡王帥

子帥子其名也

萬騎出朔方鷄鹿塞南單于屯屠河

屯屠河單

千名也

將萬餘騎出蒲夷谷度遼將軍鄧鴻

鄧禹少子

及緣

邊義從羌胡八千騎與左賢王安國萬騎出桐陽塞

桐陽在

皆會涿邪山憲分遣副校尉閻盤司馬耿譚

將左谷蠡王帥子右呼衍王須訾等

呼衍其號因以爲姓匈奴貴種

也今呼延須訾名也

姓是其後精騎萬餘與北單于戰於稽落

山大破之虜衆奔潰單于遁走追擊諸部遂臨私渠

比鞬海

匈奴中

斬名王已下萬三千級獲王口馬牛

羊橐駝百餘萬頭於温犢須日逐温吳夫渠王柳鞬

等八十一部率衆降者前後二十餘萬人憲乘遂登

燕然山去寨三十餘里刻石勒功紀漢威德令班固

作銘至和帝永元二年憲以北虜微弱遂欲威之明

年復遣右較尉夔司馬任尚趙博等將兵擊北虜於

金微山大破之克獲甚衆北單于逃走不知所在

何進女弟爲靈帝后中平元年黃巾賊起以進爲大

將軍屯都亭張角別黨馬元義謀起雒陽進發其姦



以功封慎侯

何苗進弟也爲河南尹榮陽賊數千人群起攻燒郡縣殺中牟縣令詔使苗出擊之苗攻破群賊平定而還詔遣使者迎於成臯拜苗爲車騎將軍封濟陽侯吳吳景大帝母吳夫人弟也景常隨堅征伐有功拜騎都尉袁術上景領丹楊太守討故太守周昕遂據其郡孫策與孫河呂範依景合衆共討涇縣山賊祖卽卽敗走會景爲劉繇所迫復北依術術以爲督軍中郎將與孫賁共討樊能于糜於橫江又擊笮融薛禮於秣陵時策被劄牛渚降賊復反景攻討盡禽之

從討劉繇繇奔豫章策遣景賁到壽春報術術方與劉備爭徐州以景爲廣陵太守術後僭號策以書喻術術不納便絕江津不與通使人告景景卽委郡東歸策復以景爲丹楊太守漢遣議郎王誦音誦術命南行表景爲揚武將軍領郡如故

徐琨大帝姑子也琨少仕州郡漢末擾亂去吏隨堅征伐有功拜偏將軍堅薨隨孫策討樊能于糜等於橫江擊張英於當利口而船少欲駐軍更求琨母時在軍中謂琨曰恐州多發水軍來逆人則不利矣如何可駐邪宜伐蘆葦以爲泚佐船渡軍琨具啓策策



功

立功

卷之三十三

即行之衆悉俱濟遂破英擊走笮融劉繇事業克定  
策表琨領丹陽太守會吳景委廣陵東歸復爲丹陽  
太守琨以督軍中郎將領兵從破廬江太守李術封  
廣德侯遷平虜將軍

陳錢道戢字子韜高祖微時以從妹妻焉牛盧子畧  
於廣州除濱江令高祖輔政遣道戢隨世祖平張彪  
于會稽以功拜直閣將軍除員外散騎嘗侍假節東  
徐州刺史封永安縣侯邑五百戶

後魏賀納道武元舅從道武平中原拜安遠將軍納  
弟盧盧弟悅並以從平中原功盧賜爵遼西公悅賜  
爵鉅鹿侯悅子泥從太武征赫連昌以功進爵爲瑯  
琊公

劉羅辰宣穆皇后之兄也從平中原以前後勲賜爵  
永安公以軍功除征東將軍定州刺史

唐長孫敞文德順聖皇后之叔父也任隨爲左衛郎  
將煬帝幸江都留敞守京城禁苑及義旗入闕率子  
弟迎謁於新豐從平京城以功除將作少監

柴紹晉州臨汾人高祖微時妻之以女卽平陽公主  
也武帝元年累遷爲左翊衛大將軍從太宗平薛舉  
破宋金剛攻平王世克於雒陽禽竇達德於武牢轉

外戚部

外戚部

卷之三十三

二十七



册府元龜 立功

卷之三十一

右驍衛大將軍吐谷渾與黨項俱來寇邊命紹討之  
紹見虜陣不整密使精騎自後擊之虜大潰斬首五  
百餘級貞觀元年擊梁師都於夏州平之  
實抗穆皇后從兄也左武侯大將軍領左右千牛備  
身從太宗平薛舉勲居第一  
實德明太穆皇后兄之孫也武德初為考功郎中從  
太宗征王世充頗有戰功封顯武男  
王仁皎玄宗王庶人之父也子守一與玄宗有舊及  
玄宗登極以清陽公主妻之從討蕭至忠岑羲等有  
功自尚乘奉御遷殿中少監特封晉國公

竇覲昭成皇后族姪為房州刺史德宗興元元年討  
李懷光於河中詔覲以房州兵七百人屯郿陽賊平  
以功兼御史中丞同州刺史

册府元龜

外戚部

卷之三十一

二十八



册府元龜

卷之三十三

宗興云云

册府元龜

淮南李嗣京叅閱

西極文翔鳳訂正

豫章黃國琦較釋

外戚部 四

褒寵

夫創業之君守文之主或奉長樂有昊天之感或念  
榆秋有關雎之助故崇其外戚示之寵賁或引年而  
錫之駟馬或數日而累夫千金至於五侯並封九卿  
絕席家藏金穴出乘綠車屢譙飲於府第俾光震於

册府元龜 外戚部 卷之三十三



都鄙其或性蘊謙和心知止足既在舒而能卷終以榮而為懼則庶可以全其宗族終以牖下若彌肆貪叨昧失德義罔知畏夫天命宰相繼於覆轍者蓋比比有之著于簡編定為龜鑑

周申伯宣王之舅也王使申伯居謝故崧高之詩曰

往近王舅南土是保近辭也聲如彼申伯信邁王餞

于郟郟地名邁行也申伯之意不欲離王室王告語之復重於是意解而信行餞送行飲酒也時王

省岐周故申伯還南謝於誠歸還南者北就王命于岐周而還及也謝於

誠歸誠歸於謝

漢衛青姊子夫武帝建元二年入宮得幸帝召青為

建章監侍中及母昆弟貴賞賜數日間累千金

霍去病衛皇后姊少兒子也為驃騎將軍元符六年

薨帝悼之發屬玄甲軍陳自長安至茂陵為冢象祁

連山

史高衛太子史良姊兄子也宣帝時為大司馬車騎

將軍領尚書事元帝襲尊號高輔政五年乞骸骨賜

安車駟馬黃金罷就第

史丹高子也成帝為太子丹為中庶子帝即位累遷

左將軍光祿大夫丹以舊恩數見褒賞賜累千金僮

奴以百數永始中病乞骸骨帝賜策曰左將軍寢病





不哀願歸治疾朕愍以官職之事久留將軍使躬不  
瘳使光祿勳賜將軍黃金五十斤安車駟馬及上將  
軍印綬宜轉精神務近醫藥以輔不衰丹歸第數日

薨

王鳳成帝舅也為大將軍鳳薨帝臨弔贈寵送以輕  
車介士軍陳自長安至渭陵

許嘉女為成帝后自元帝時為大司馬車騎將軍輔  
政八九年成帝立欲專委任元舅王鳳迺策嘉曰將  
軍家重身尊不宜以吏職自累賜黃金二百斤以特  
進侯就朝位許后廢後帝憐許氏下詔曰蓋聞仁不

遺遠誼不忘親前平安剛侯夫人謁坐大逆罪家屬  
幸蒙赦令歸故郡朕惟平恩戴侯先帝外祖魂神廢  
棄莫奉祭祀念之未嘗忘予心其還平恩侯且及親  
屬在山陽郡者

王莽孝元皇后弟子也為大司馬哀帝立免就第公  
卿大夫多稱之者帝乃加恩寵置使家中黃門使黃門在

其家中十日一賜餐下詔曰新都侯莽憂勞國家執

義堅固朕庶幾與為共治太后詔莽就第朕甚憫焉  
其以黃郵聚戶三百五十益封黃郵在南陽棘陽縣位特進給

事中朝朔望見音現禮如三公見天子之禮也車駕乘綠車從



後漢樊宏光武之舅也光武卽位拜光祿太夫位特  
 進次三公每當朝會輒迎期先到俯伏待事時至乃  
 起帝聞之嘗賜騶騎臨朝乃告勿令豫到宏卒贖錢  
 千萬布萬疋謚爲恭侯贈以印綬車駕親送塋子儵  
 嗣帝悼宏不已復封少子茂爲平望侯明年賜儵弟  
 鮪及從昆弟七人各錢五千萬儵謹訥有父風事後  
 母至孝及母卒哀思過禮毀病不自支光武常遣中  
 黃門朝暮送饘粥

張况族姊爲皇祖考夫人數往來南頓見光武光武  
 爲大司馬過邯鄲况爲郡吏謁見光武光武大喜曰  
 乃今得我舅乎因與俱北到高邑以爲元氏令遷涿  
 郡太守時年八十不任兵馬上疏乞身詔許之後詔  
 問起居何如子歆對曰如故詔曰家人居不足贍且  
 以一縣自養復以况爲嘗山關長

郭况光武郭后弟也更始二年光武擊王郎至真定  
 因納后有寵后卽真定王劉楊之甥也帝納后以結  
 之廼與楊及諸將置酒郭氏漆里舍

漆里卽郭后所居之里名也

楊擊筑爲歡后弟况十六爲黃門侍郎建武十七年  
 后廢爲中山太后二十六年母郭主薨帝親臨喪  
 送塋百官大會遣使者迎父昌喪柩與主合塋追贈



昌陽安侯印綬謚曰思侯二十八年帝憐郭氏詔况  
 子璜尚清陽公主除璜為郎遷大鴻臚帝數幸其弟  
 會公卿諸侯况家飲讌賞賜金錢縑帛豐盛莫比京  
 師號况家金穴明帝即位况與帝舅陰識陰就並為  
 特進數授賞賜恩寵俱渥禮待陰郭每事必均永平  
 二年况卒贈賜甚厚帝親自臨喪永和三年章帝北  
 巡狩過真定會諸郭朝見上壽引入倡飲甚歡說文曰倡  
 樂也聲類曰俳以太牢具上郭王家賜粟萬斛錢五十萬  
 陰陸光武光烈陰后之父后初為貴人建武九年有  
 盜劫殺后母鄧氏及弟訢帝甚傷之乃詔太司空曰

吾微賤之時娶於陰氏因將兵征伐遂各離別幸得  
 全安俱脫虎口以貴人有母儀之德宜立為后而固  
 辭弗敢當列於媵妾朕嘉其義讓許封諸弟未及爵  
 土而遭患逢禍母子同命愍傷于懷小雅曰將恐將  
 懼惟予與汝將安將樂汝轉棄予風人之戒可不慎  
 乎其追爵謚貴人父陸為宣恩哀侯弟訢為宣義恭  
 侯以弟就嗣哀侯

鄧晨南陽新野人娶光武姊元漢兵起元先遇害光  
 武即位晨為徧將軍感姊沒於亂兵追封元為新野  
 節義公主立廟於南陽縣西封晨子汎為吳房侯以



奉公主之祀建武三年徵晨還京師數燕見說故舊平生為歡十八年行幸章陵以晨行廷尉事從至新野置酒酣讌賞賜數百千萬二十五年卒詔遣中謁者備公主官屬禮儀招迎新野主魂與晨合葬於北邙乘輿與中宮親臨喪送葬

李通南陽宛人尚光武女弟寧平公主建武六年引拜大司空通布衣唱義助成大業重以寧平公主故特見親寵然素有消疾自為宰相謝病不視事連年乞骸骨帝每優寵之令以公位歸弟養疾光武每幸南陽嘗遣使者以太牢祠通父冢十八年卒帝及皇

后親臨吊送永平中明帝幸宛詔諸李隨安眾安眾侯劉

崇後也宗室會見並受賞賜恩寵篤焉

馬廖明德馬后之兄章帝甚尊重之建初四年以特進侯就第永元四年卒和帝以廖先帝之舅厚加賜贈使者弔祭王主會喪馬防廖弟也永平為車騎將軍城門較尉貴寵最盛與九卿絕席屢表辭位以特進就第尋拜光祿勳防子鉅為嘗從小侯以小侯得嘗從也以鉅當冠特拜為黃門侍郎明帝親御章臺下殿陳鼎俎自臨冠之期年復以病乞骸骨詔賜中山王田廬以特進就第





馬嚴明德皇后父援之兄子也明帝召見詔留仁壽

闕嘗與宗室近親論議政事甚見寵幸拜御史中丞

除子鱣為郎令勸學省中

前書王鳳薦班伯於成宜勸學召見宴昵殿是也

鄧衍為新野功曹永平初以外戚小侯每豫朝會而容姿趨步有出於眾明帝目之顧左右曰朕之儀貌豈若此人特賜輿馬衣服

竇憲女弟為章帝皇后憲與弟篤兄弟親幸立侍宮省賞賜累積寵貴日盛

鄧騭和熹皇后之兄也殤帝延平元年率兵擊涼部叛羌西屯漢陽徵騭班師朝廷以太后故遣五官中

郎將迎拜騭為大將軍軍到河南使大鴻臚迎中嘗

侍齋牛酒效勞王侯以下候望於道既至大會群臣賜帛乘馬寵靈顯赫光震都鄙

梁竦二女皆為章帝貴人生和帝永元九年梁松子扈遺從兄禮奏記三府以為漢家舊典崇貴母氏而

梁貴人親育聖躬不蒙尊號求得申議太尉張輔引禮訊問事理會復召見因白禮奏記之狀帝感慟良

久日以君意若何輔對曰春秋之義母以子貴漢興以來母氏莫不隆顯臣愚以為宜上尊號追慰親靈

存錄諸舅以明親親帝悲泣曰非君孰為朕思之會





貴人姊南陽樊調妻嫗

嫗音於計切

上書自訟曰妾同產

女弟貴人前充後宮蒙先帝厚恩得見寵幸皇天授命誕生聖明而為竇憲兄弟所見譖訴使妾父竦冤死牢獄骸骨不掩老母孤弟遠徙萬里獨妾遺脫逸伏草野嘗恐沒命無由自達今遭值陛下神聖之運親統萬機群物得所憲兄弟姦惡既伏辜誅海內曠然各獲其宜妾得蘇息拭目更視乃敢昧死自陳於天妾聞太宗卽位薄氏蒙榮宣帝繼統史族復興妾門雖有薄史之親獨無外戚餘恩誠自悼傷妾父既冤不可復生母氏年殊七十及弟棠等遠在絕域不知死生願乞收竦朽骨使母弟得歸本郡則施過天地存沒幸賴帝覽章感悟乃下中常侍掖廷令驗問之慙辭証明審遂得引見具陳其狀乃留嫗止宮中連月乃出賞賜衣被錢帛第宅奴婢旬月之間累資千萬嫗素有行操帝益愛之加號梁夫人擢樊調為羽林左監復詔三公大鴻臚曰夫孝莫大於尊尊親親其義一也詩云父今生我母今鞠我撫我畜我長我有我顧我復我出入腹我欲報之德昊天罔極朕不敢興事覽於前世中宗太宗實有舊典追命外祖以篤親親其追封謚皇太后父竦為褒親愍侯比靈

冊府元龜 外戚部 卷之三十三 八



文順成侯魂而有靈嘉斯寵榮好爵顯服以慰母心  
遣中謁者與嫔及扈備禮西迎竦喪詣京師改殯賜  
東園畫棺玉匣衣衾建塋於恭懷皇后陵傍帝親臨  
送葬百官畢會徵還竦妻子諸子封侯位皆特進賞  
賜第宅奴婢車馬兵弩什物以巨萬計寵遇光於當  
世諸梁內外親疎並補郎謁者

馮魴孫石襲母獲嘉長公主封獲嘉侯亦為侍中稍  
遷衛尉能取悅當世為安帝所寵帝嘗幸其府留飲  
十許日賜駮犀具劍佩刀紫艾綬玉玦各一拜子世  
為黃門侍郎世弟二人皆中郎自永初兵荒王侯租

秩多不充於是特詔以它縣租稅足石令如舊限歲  
入穀三萬斛錢四萬

梁商女為順帝皇后商為大將軍卒朝廷賜以東園  
朱壽之器銀鏤黃錫玉匣什物二十八種錢二百萬  
布三千疋皇后錢五百萬布萬疋及葬贈輕車介士

賜謚忠侯中宮親送帝幸宣陽亭瞻望車騎

初帝作  
誅曰孰

云忠侯不聞其音背去國家都茲  
玄陰幽居冥冥靡所且窮者也

梁冀商之子也元嘉元年桓帝以冀有援立之功欲  
崇殊典乃大會公卿共議其禮於是有司奏冀入朝  
不趨劔屨上殿謁讚不名禮儀比蕭何悉以定陶陽



城餘戶贈封爲四縣比鄧禹賞賜金錢奴婢彩帛車馬衣服甲第比霍光以殊元勳每朝會與三公絕席十日一入平尚書事宣布天下爲萬世法冀猶以所奏禮薄意不悅

王斌女弟爲靈帝美人生獻帝爲何皇后所醜殺獻帝卽位求斌斌將妻子詣長安賜第宅田業拜奉車都尉遷執金吾封都亭侯病卒贈前將軍印綬謁者監護喪事

魏下秉武宣皇太后弟也當建安時爲別部司馬文帝爲秉起第第成太后幸第請諸家外親

毛嘉明帝悼后之父也帝以嘉爲奉車都尉嘉子贈爲騎都尉寵賜隆渥帝令朝臣會其家宴飲

晉羊琇景獻皇后從父弟爲散騎嘗侍琇卒武帝手詔曰琇與朕有先後之親大小之恩歷位外內忠允茂著不幸早薨朕甚悼之其追贈輔國大將軍開府儀同三司賜東園秘器朝服一襲錢三十萬布百疋宋徐湛之父達之尚高祖長女會稽公主討司馬休之見害湛之幼孤爲高祖所愛嘗與江夏王義恭寢食不離於側位至尚書令

臧質武敬皇后弟子也爲義興太守元嘉二十六年



文帝謁京陵質朝丹徒上禮帝設饌盡歡賜布千疋  
路瓊之孝武帝母路太后弟子也大明中瓊之及弟  
休之茂之並超顯跡太后賜與瓊之等財物家累千  
金居處服器與帝子相伴瓊之終衡陽內史  
南齊何瑀尚高祖少女豫章公主公主與瑀情愛隆  
密何氏外姻疎戚莫不霑被恩紀歷位清顯  
王績女適武帝寵子安陵王子敬永明二年納妃修  
舅姑之政武帝遣文惠太子相隨往績家置酒設樂  
公卿皆冠冕而去當世榮之  
何戢爲撫軍將軍鬱林王妃父也王卽位妃爲后迎

后親戚入宮賞賜人百數十萬

梁張弘籍高祖舅也高祖卽位詔曰亡舅齊鎮西叅  
軍風素雅亮夙肩名輩降年不永早世潛輝朕少罹  
苦辛情地彌切雖宅相克成輅車靡贈興言永往觸  
目慟心可追贈廷尉卿

張弘策文獻皇后從父弟從高祖平建康累遷衛廷  
尉卿爲潛餘黨所害詔曰亡從舅衛尉慮發所忽殞  
身妖豎其情理清貞器識淹濟自藩外朝契濶夷阻  
加以外氏彫衰饗嘗屢絕興感渭陽情寄斯在方賴  
忠勳翼宣寡薄報效無徵永言增嘆可贈散騎嘗侍



車騎將軍給鼓吹一部謚曰愍

王錫義興公王子也為太子洗馬時昭明尚幼未與

臣寮相接高祖嘗勅昭明日太子洗馬王錫秘書郎

張績

績弘策子也

親表英華朝中髦俊可以師友事之中

大通六年卒年三十六贈侍中給東園秘器朝服一

襲

陳沈君理為吏部尚書女為皇太子妃宣帝大建五

年為右僕射有疾車駕親臨視卒贈侍中太子少傅

喪事所須隨由資給太子立為後王妃為后宗族多

有顯官

張種為紫金光祿大夫太建初女為始興王妃以居

處僻陋特賜宅一區又累賜無紀錫嘉與縣秩

柳莊後主從舅也為右衛將軍兼中書舍人太后弟

盼卒後太后宗屬唯莊為近由是深被恩遇

後魏杜超明元密皇后之兄始光中太武追念舅氏

封超平陽公尚南安長公主拜駙馬都尉車駕幸其

第賞賜巨萬又追加超父豹鎮東大將軍陽平景王

母曰鉅鹿惠君真君五年超為帳下所害太武臨其

喪哀慟者久之謚曰威王子鳳皇襲超爵加侍中特

進太武追思超不已欲以鳳皇為定州刺史鳳皇不



願違離闕庭乃止

姚黃眉明元昭哀皇后之弟又尚陽翟公主累拜太嘗卿卒贈雍州刺史隴西郡王謚曰獻黃眉寬和溫厚希言得失太武惜悼之故贈有加禮

馮熙文明太后之兄也後孝文又納其女為后詔曰白虎通云王所不臣數有三焉妻之父母特言其一此所謂供承宗廟不欲奪私心然吾既著於春秋無已證於往謀既許通體之一用開至尊之敬比長秋配種陰政欣敷未聞有司陳奏斯或詔太師輟臣從禮又勅集書造儀付外孝文前後納熙三女二為后

一為左昭儀由是馮氏寵貴益隆賞賜累巨萬孝文每詔熙上書不臣入朝不拜熙後遇疾綿寢四載詔遣監問道路相望車駕亦數幸焉將遷雒孝文親與別見其困篤歔衄流涕密敕宕昌公主遇太師萬一即可監護喪事十九年薨於代車駕在淮南留臺表聞還至徐州乃舉哀為制總服詔有司豫辦凶儀并開魏京之墓令公主之柩俱向伊雜凡所營送皆公家為備又勅代給綵帛前後六十足以供凶用皇后詣代都赴哭太子恂亦赴代哭弔將塋贈假黃鉞侍中都督十州諸軍事大司馬太尉冀州牧史加黃屋



左肅備九錫前後羽葆鼓吹皆依晉太宰安平獻王  
故事有司奏謚詔曰可以威強恢遠曰武奉謚於公  
柩至七里澗孝文服總往迎叩靈悲慟而拜焉葬日  
送臨墓所親作誌銘熙子誕與孝文同歲幼侍書學  
後除侍中都督中外諸軍事中軍將軍特進改封長  
樂郡公誕拜官孝文立於廷遙受其拜既乃還室  
楊播母文明太后之外姑也播爲中散累遷給事領  
中起部曹以外親優賜亟加前後萬計

睦昕之尚獻文女嘗山公主拜駙馬都尉昕之容貌  
柔謹孝文以其父故特垂昵眷宣武時年未四十頻

撫三蕃當世以此榮之

鄭義女爲孝文嬪徵爲秘書監太和十六年卒賜帛  
五百疋

高肇文昭皇太后之兄也肇父颺厲威將軍旣卒宣  
武追思舅氏徵肇兄弟等錄尚書事北海王詳等奏  
颺宜贈左光祿大夫賜勳渤海公謚曰敬封肇平原  
郡公肇弟顯澄城郡公引見於華林都亭皆甚惶懼  
舉動失儀數日之間富貴赫奕

胡國珍靈太后之父也封安定郡公進位中書監儀  
同三司侍中如故賜恤歲八百疋妻梁四百疋男女



姊妹各有差仍詔依漢車千秋晉安平王故事給步  
挽一乘自掖門至於宣光殿得以出入並備几杖  
李延宴爲左將軍光州刺史莊帝卽位以元舅之尊  
超授侍中太保封濮陽郡王延宴以太保犯祖諱又  
以王爵非庶姓所宜抗表固辭徙封濮陽郡公改授  
太傅

李遵孝武初以外戚超贈車騎大將軍儀同三司定  
州刺史

蕭贊尚莊帝女壽陽長公主爲齊州刺史爲城民趙  
維州所逐公主被害贊未幾卒節閔普泰末勅迎其

喪至維遣黃門郎鹿念護喪事以王禮與公主合葬  
嵩山

鄭伯猷爲散騎嘗侍東平將軍前廢帝初以舅氏超  
授征東將軍金紫光祿大夫領國子祭酒

胡虔國珍之子也爲司空孝靜興和中薨贈太傅太  
尉公尚書僕射徐州刺史葬日百官會葬乘輿送於  
郭外

羅鑿爲散騎嘗侍金紫光祿大夫主衣都統卒孝靜  
以外戚故贈侍中冀定瀛三州諸軍事尚書右僕射  
司空公衛將軍冀州刺史



後周李弼子暉尚文帝女義安長公主故遂以為嗣  
暉初贈爵義城郡公嘗臥疾暮年文帝憂之賜錢一  
千萬供其藥石之費

隋呂雙周高祖外祖也其族蓋為平齊之後求訪不  
知所在至開皇初濟南郡上言有男子呂永吉自稱  
有姑字若桃嫁為楊諱妻勘驗知是舅子始追贈雙  
周為上柱國太尉八州諸軍事青州刺史上柱國封  
齊郡公謚曰敬外祖母姚氏為齊敬公夫人詔並改  
葬於齊州立廟置守冢十家以永吉襲爵在京師  
獨孤羅文獻皇后之兄信之長子高祖為丞相儀同

嘗置左右既受禪下詔追贈羅父信官爵曰褒德累  
行往代通規追遠慎終前王盛典故柱國信風宇高  
曠獨秀生民睿哲居宗清猷映世宏謀長策道著於  
彌諸緯義經仁事深於拯濟方當宣風廊廟亮采台  
階而運屬艱危功高不賞睠言令範事切於心今景  
運初開椒闈肅建允戴塗山之義無忘褒紀之典可  
贈太師曰上柱國冀定等十州刺史趙國公邑萬戶  
其諸弟以羅母齊先無夫人之號不當承襲帝以問  
后后曰羅誠嫡長不可誣也於是襲爵趙國公諸弟皆  
封郡公



豆盧勣爲夏州總管文帝以其家貴盛勳效克彰後  
爲漢王諒納其女爲妃恩遇彌厚七年追狩利州功  
詔食始州臨津縣邑千戶

獨孤隋信之第四子煬帝卽位追念舅氏聽以禮葬  
乃下詔曰外氏衰弱獨孤隋不幸謝世遷卜有期言  
念渭陽之情追懷傷切宜遵禮命允備哀榮可贈正  
議大夫帝意猶不滿復下詔曰舅氏之尊戚屬斯重  
而降年弗永彫落相繼緬維先往宜崇徽秩復贈銀  
青光祿大夫

竇榮定初仕周爲俠飛中郎將其妻則高祖姊安成

長公主也帝作相拜爲雒州總管留後賜縑千疋西  
涼女樂一部帝受禪來朝京師帝顧謂群臣曰朕少  
惡輕薄性相近者止榮定而已賜馬三百匹部曲八  
十二人而旌之坐事除名帝以長公主之故猶拜右  
武侯大將軍數幸其第恩賜甚厚每令尚食局日供  
羊一口珍味稱是後爲秦州總管賜吳樂一部前後  
賞賜不可勝計開皇六年卒帝爲之廢朝令左衛大  
將軍元旻監護喪事賻絹三千疋帝謂侍臣曰吾每  
欲致榮定於三事其人固讓不可今欲贈之重違其  
志於是贈冀州刺史陳國公



豆盧通尚高祖妹昌樂長公主自是恩禮漸隆遷夏州總管洪州總管

柳述冀州刺史機子也以父蔭爲太子親開皇中尚蘭陵公主述於諸壻中高祖特所寵敬歲餘判兵部尚書事

李敏初尚高祖女樂平公主敏歷金郊華岐數州刺史多不蒞職嘗留京師往來宮內侍遊宴賞賜超于功臣大業初補衛尉卿樂平公主將薨遺言於煬帝曰妾惟一女不自憂死深憐之湯沐乞迴與敏帝從之獨孤懷恩者父爲涿郡太守高祖以其獻皇后之姪

養於宮中

蕭琮自江陵入朝賜爵莒國公煬帝以皇后之故甚見親重琮族總麻以上並隨才擢用於是諸蕭昆弟布列朝廷

唐竇抗隋陳國公榮定子太穆皇后之從兄其母隋高祖姊也父卒之後高祖恩遇彌隆所賜錢帛金寶亦以巨萬武德初歸長安高祖見之悅握手命坐曰李氏竟能成事何如抗舞蹈奉賀因縱酒爲樂累遷納言帝每臨朝嘗引與坐退朝之後延入臥內命之捨敬縱酒談謔敦平生之款嘗侍宴私時或留宿禁



內帝嘗呼之爲兄而不名也內人咸稱爲舅其見親如此初年東都冊勲太廟者九人抗與弟縱俱預焉論者榮之賜女樂一部金瑤萬計

竇威太穆皇后從兄也武德初爲內史令高祖甚親重之每引入臥內嘗爲膝席又嘗謂之曰昔周朝有八柱國之貴吾與公家咸登此職今我爲天子卿爲內史令本同而末異無乃不可乎威拜謝曰臣家昔在漢朝再爲內戚至於後魏三處外家陛下龍興復出皇后臣又階恩澤位忝鳳池自唯叨濫伏深悚息帝大笑曰公三后族欲誇我耶關東人與崔盧爲婚

猶自矜伐公世爲帝戚豈非盛事

裴弘策仕隨爲將作大匠卒武德初追贈弘策工部尚書黎國公策妻竇太穆皇后妹也以舊姻贈焉長孫敞文德皇后叔父也義旗初建率子弟起於新豐後爲巴州刺史後坐事免太宗以后親嘗令內給絹以供私費及致仕卒謚曰良陪塋昭陵蕭瑀爲內史令高祖每臨軒聽政必賜升御榻瑀旣獨孤氏之壻帝與語呼之爲蕭郎

長孫無忌文德皇后兄也太宗卽位爲吏部尚書帝以其佐命元勲地兼外戚禮遇尤重嘗出入臥內密



與謀議又嘗作威鳳賦以賜之貞觀十二年十二月  
又幸其第睦勳戚也高宗卽位以無忌爲太尉同中  
書門下三品旣當元舅之任高宗每事皆諮稟之賞  
賜優寵近古無比又令圖無忌形像親爲書贊  
房遺愛司空玄齡第二子也以功臣子弟尚高陽公  
主有寵禮命與諸婚絕異

獨孤開遠元貞皇后兄子也爲左衛將軍卒太宗登  
苑西樓臨送開遠之葬

楊師道尚桂陽公主爲太嘗卿駙馬都尉安德郡公  
卒賜吏部尚書荊州都督賜東國秘器陪葬昭陵并

爲立碑

武士護高宗皇后父也顯慶四年三月甲申故荊州  
都督贈司徒周定公士護配享高祖廟庭賜其家魏  
州實封一千戶總章元年又詔贈司徒荊州都督忠  
孝公士護並諸功臣時皇后欲褒隆其父故并贈功  
臣咸亨元年九月甲申后母衛國夫人楊氏薨贈魯  
國大夫人謚曰忠烈司刑太嘗伯盧承慶攝同文正  
卿充使監護西臺侍郎戴至德持節吊祭哀文武九  
品以上及親戚五等以上并外命婦並聽赴宅吊哭  
葬及墳塋鹵薄等一事已上並依王禮給班劍四十



人羽葆鼓吹儀仗送至墓所往還其文武官九品以上並至渭橋宿次外婦諸親婦女並送至墓所官爲立碑仍令特進許敬宗爲其文壬辰皇后請爲夫人度太平公主出家爲女官并請頒政坊民置女官觀休祥坊宅置僧寺兼各度人追福並從之閏九月壬子又詔故工部尚書贈司徒周忠孝公士夔加贈太尉兼太子太師太原郡王魯國忠烈大夫人加贈太原郡王妃所司備禮冊命  
韋玄貞中宗皇后父也爲豫州刺史卒神龍元年追贈上雒郡王左拾遺賈虛已諫之疏不納九月詔令

改葬玄真其儀准太后父太原王故事初帝遷於房陵玄貞坐配流欽州死后母崔氏爲欽州首領甯承基兄弟所殺玄貞有四子洵浩洞泚等時亦處於容州至是制遣使迎玄貞及崔氏喪柩歸於京師贈賻甚厚又遣廣州都督周仁軌率兵二萬斬討甯承基兄弟以其首祭於崔氏又追贈洵吏部尚書汝南郡王浩太嘗卿武陵郡王洞衛尉淮陽郡王泚太僕卿上蔡郡王亦遣使迎其喪柩歸葬於京師及將至帝與后幸長樂宮望喪而泣是年又以安車備禮徵安平郡王武攸緒攸緒則天之望子隱於嵩山積十餘



年至是徵之攸緒至擢授太子賓客仍聽其還山二年四月又改贈玄貞為豐王仍號廟曰褒德陵曰榮光仍各置官員并給戶一百人守衛灑掃五月再追贈玄貞為太師雍州牧并益州大都督伯父贈太嘗卿玄儼為特進荊州大都督封魯國公追封從祖伯父十餘人皆為上州刺史仍贈爵郡公

竇希瓘玄宗舅也希瓘後名瓊音開元初甚見優寵兄弟三人皆封國公帝以早失太后尤寵之恩錫之盛朝夕相繼天寶七載詔曰睦親之義因心不忘前開府儀同三司竇瓊頃以容納微人頗虧典憲永懷

舅氏追感渭陽宜伸國恩再復榮秩可開府儀同三司仍放優閑不須朝會卒贈司徒

竇希城希瓘兄也開元二年自光祿卿授太子少傅詔光祿造食公卿送上以外戚優其禮也開元五年薨輟朝三日贈司空兼荊州大都督賻物八百段米粟八百石賜東國秘器凶事葬事並官供務從優厚仍令將作大匠韋湊充使監護河南少尹秦守一為副鴻臚少卿李顥持節充使齎璽書吊祭儀仗送至墓所官為立碑

竇希玠希城弟也為開府儀同三司華國公開元二



年薨帝悼之下制曰存有其榮歿有其贈古之典也  
希玠有賢戚之美登台階之秩異其永年俾作元老  
不幸薨逝用震悼於厥心可贈尚書左丞相  
王仁皎爲開府儀同三司初玄宗在藩聘仁皎女爲  
妃及嗣位妃爲皇后仁皎以后父之重不參朝政承  
厚賜賚善自奉養開元七年卒帝親爲舉哀輟朝三  
日贈太尉益州都督制曰在昔王者旌賢睦姻莫不  
存貴寵光歿加禮冊故開府儀同三司王仁皎神仙  
望族禮樂通材履道純粹執心夷簡自大邦有子中  
闡作合以外舅之勞參上公之位績宣揚歷誠著始

終方保期頤遽從薨落興言震悼用惻于懷宜依嘗  
典式慰塋魂可贈益州大都尉贈物三千段米粟二  
千石喪葬事並官供務從優厚仍賜東園秘器宜令  
銀青光祿大夫守工部尚書上柱國彭城郡開國侯  
劉知柔攝鴻臚卿監護通議大夫行京兆尹上護軍  
崔琬爲副銀青光祿大夫守太子詹事上柱國安南  
縣開國侯龐承宗持節齋書弔祭左庶子上護軍白  
知慎爲副在京五品已上官更須就弔官爲立碑命  
張說爲其文親書石焉

薛談尚玄宗女嘗山公主拜駙馬都尉卒贈光祿卿



購物一百段粟一百石官給墓事仍令京兆尹克監護使

張垧尚玄宗女寧親公主又尚信興公主爲翰林學士以主壻帝特深寵異許於禁中置內宅侍爲文章賞賜珍玩不可勝數時兄均亦供奉翰林院嘗以所賜示均均戲謂曰此婦翁與女婿非天子賜學士也姜慶初尚新平公主拜駙馬都尉新平玄宗之女也敏慧習文墨帝賢之諸主中恩禮加重慶初繇是承恩駙馬都尉鮮有授正員官者慶初特拜太嘗卿先是宗正寺奉陵廟慶初以恩幸太嘗復奉園陵

獨孤穎爲左威將軍錄事參軍卒大曆三年追贈工部尚書穎代宗貴妃之父也將冊貴妃乃加寵焉王延昌爲吏部侍郎卒大曆四年追贈吏部尚書特賜購絹一百疋布五十疋延昌妻獨孤氏貴妃之姑也是有加等

郭曖汾陽郡王子儀第六子也十餘歲尚代宗第四女昇平公主時昇平年亦與曖相類大曆中恩寵冠於戚里歲時錫賚珍玩不可勝紀曖子昭以外孫故亦恩寵持異

柳晟駙馬都尉諱之子母肅宗女和政公主晟少無



簡操代宗於諸甥之中特加獎遇俚讀詩書與皇太子諸王同處親寵之任貴戚無比授試太嘗卿

沈令瑤代宗外叔祖也累官至涇傳集賢侍典舊勳齊列大曆八年卒輟朝三日帝追悼優詔贈太子少保父易直先贈秘書監德宗建中元年七月癸丑贈太師故庫部員外沈介福贈太傅故德州刺史沈士衡贈太保易直睿真皇后之父帝外祖也介福易直之父也士衡介福之父也秘書少監沈震贈太尉易直之子也沈氏贈三公保傅僕射尚書已上諸官及封邑者百餘人

王遇昭德皇后父也貞元三年贈揚州大都督賜布絹四百段米粟三百石葬事一切官給遇子睂州司馬果及甥姪等進官者二十餘人

季安爲魏博節度使季安代宗女嘉誠公主子也德宗優之比河朔諸鎮爲厚

沈蟻尚憲宗女宣城公主拜駙馬都尉敬宗寶曆元年十二月賜蟻錢一萬并城南別墅昌化坊賈區各一所

郭還爲殿中少監寶曆二年二月賜還宅一區以才人將立爲貴妃故寵異其兄也五月帝御宣和殿封



還等諸親

蕭洪文宗皇太后弟也太和二年十月賜絹五百疋  
錢三百千米粟一百石

後唐孟知祥爲太原節度使同光三年冬蜀平十二  
月制以知祥依前簡較太傅同平章事充劍南西川  
節度副大使知節度事閏月巳丑知祥自太原奉詔  
馳騎入維莊宗以知祥戚里之重預戒所司出內府  
供帳珍玩竒絕者別設宮居以宴之酒醑追思平昔  
事因曰吾輩老矣繼岌乳臭兒今年代父破賊平定  
西川慰喜之外復增悲耳吾憶先帝棄代時疆境爲

賊所侵僅保一隅之地豈知今日君臨天下奇珍異  
器畢萃吾府卿爲吾姻可得而言因指闕珠玉器服  
以示知祥又曰蜀土奢華富盛不異吾宮以卿戚里  
忠賢慎乃相付卿其勉之因令中使王允平就賜節

鉞官誥

晉張從訓初爲德州刺史高祖之鎮太原也爲少帝  
娶從訓長女爲妃從訓清泰初授唐州刺史三年高  
祖舉義從訓奉唐末帝詔徵赴行在分領鄉兵次於  
團栢谷兵敗宵遁潛身民間高祖入雒有詔搜訪月  
餘乃出焉及見以戚里之故深加軫惻遂授唐州刺




冊府元龜

褒寵

卷之三十一

史

周符昭信魏王彥卿之子世宗皇后之弟也為天雄  
軍衛內都指揮使顯德元年七月卒皇后於別宮舉  
哀宰臣率文武百僚於門進名奉慰



冊府元龜



